

種善心住一緣中尊者須蜜說曰何故名
三昧答曰能令種種善心住一緣中餘說如
上尊者佛陀提婆說曰三昧有多名有善法
三昧有不善法三昧有無記法三昧有無次
第三昧此中說心正三昧名三昧

十三末 采

阿毗曇毗婆沙論卷第六十九

慈九

陶音搏食上正作徒敵反

平江路續法苑聖寺大藏經局藏經本寺僧隨行人拾到田畝歲花

利刊雕慈字考

大藏經阿毘曇論一函功德仰願流通

佛法報答四恩三有者 至大元年歲在戊申三月 日題

阿毗曇毗婆沙論卷第七十

慈十

迦旃延子造 北涼沙門浮陀跋摩共道素譯

使捷度十門品之十七

界者有漏者三界繫無漏者不繫地者有漏
者在十一地無漏者在九地所依身者依三
界身行者空有二行無願有十行無相有四

采

行緣者空三昧有漏者緣一切法無漏者緣
苦諦無願緣三諦無相緣滅諦念處者空無
願三昧是四念處無相三昧是法念處智者
空三昧與四智俱謂法智比智等智苦智無
願三昧與七智俱除滅智無相三昧與四智
俱謂法智比智等智滅智三昧者即三昧根
者摠而言之與三根相應過去未來現在者
是三世緣三世法者空三昧緣三世及非世
法無願緣三世無相緣非世善不善無記者
是善緣善不善無記者空無願緣三種無相
緣善是三界繫不繫者或三界繫或不繫緣
三界繫及不繫者空三昧有漏者緣三界繫
及不繫無漏者緣三界繫無願緣三界繫及
不繫無相緣不繫是學無學非學非無學者
是三種緣學無學非學非無學者空三昧有
漏者緣三種無漏者緣非學非無學無願緣
三種無相緣非學非無學是見道斷修道斷
不斷者有漏者是修道斷無漏者不斷緣見

道斷修道斷不斷者空三昧有漏者緣三種無漏者緣見道斷修道斷無願緣三種無相緣不斷緣名緣義者空無願緣義緣名無相緣義緣自身他身非身者空三昧有漏者緣三種無漏者及無願緣自身他身無相緣非身苦空三昧盡行空行耶答曰或空三昧不行空行乃至廣作四句空三昧不行空行者空三昧行無我行行空行非空三昧者行空行空三昧相應法空三昧行空行者行空行空三昧非空三昧非行空行者苦即取此種性行無我行空三昧相應法若不即取此種性除上余所事已行當行亦如是如空三昧空行作四句空三昧行無我行亦如是無願作三十四句無相作十二四句合四十八四句

問曰三昧解脫門有何差別答曰三昧是有漏無漏解脫門唯無漏問曰何故三昧是有漏無漏解脫門唯無漏耶答曰解脫門不應

卷十

二

采

是有漏不應是繫縛問曰為以得正決定為以盡漏立解脫門耶若以得正決定者苦法忍相應定應是解脫門若以盡漏者金剛喻定應是解脫門答曰應作是說以得正決定亦以盡漏故各解脫門所以者何得一切聖道盡名決定一切斷盡名盡漏如世第一法次第得苦法忍苦次第得集集次第得滅滅次第得道盡漏者或依空三昧盡三界漏或依無願三昧盡三界漏或依無相三昧盡三界漏問曰何故名解脫門答曰如楯法故譬如闍人執楯在前斷怨敵頭行者亦時持如楯解脫門在前斷煩惱怨家成就頭墮著不成就地如說定是正道不定是邪道定心得解脫非不定心有定者能知陰生滅滅施設經廣說空謂內空外空內外空有為空無為空無始空性空無所有空第一義空空問曰施設經何故廣說空耶答曰以空是二十身見近對治

佛經說若聖弟子具足三三昧鬘者能斷不善法修行善法問曰何故說三三昧名鬘答曰以其妙好世人欣上心故如少年時首繫華鬘若男若女生愛敬心行者亦亦若繫三三昧鬘諸天世人則生愛敬復次如人首繫華鬘風則不亂其髮諸功德首若繫三三昧花

慈十

三

采

鬘者掉風不能亂譬如華若繫以為鬘則所用處多諸功德亦亦若繫以為鬘則多有所用能得正決定得果離欲盡漏復次世人於所繫華作鬘想賢聖亦亦以三三昧繫諸功德亦作鬘想亦如世人次第繫花而生鬘想賢聖亦亦次第繫心於一緣中亦作鬘想佛經說空三昧是上座住處問曰何故說空三昧是上座住處答曰以諸上座多住是處故三界中佛是有德上座次辟支佛次尊者舍利弗常住此處故言上座住處復次空是內道中不共法內道一切皆是上座外道一切皆是年少內道中年八歲者皆是上座所以

者何成就上座法故外道年八十者皆是年少所以者何成就年少法故問曰諸外道有無願無相耶答曰雖無根本者有相似者鹿行似無願止行似無相空乃至無相似者何況根本復次以能生上座法故空名上座住處上座法者是道道果誰能生者謂空能生復次安住審諦法故空名上座住處衆生若不得空三昧則情性輕躁躁動若得空三昧情性則不動如山是故尊者瞿沙作如是說若知解脫法則情性審諦情性審諦名上座是故說空是上座住處復次行者住空法時適意不適意好不好有利益事無利益事資生樂事資生苦事於此事中心不移動曾聞尊者舍利弗其母命終共住弟子還俗長齒比丘常於尊者舍利弗有怨嫌心作如是念我今應往告其不吉之事亦時長齒比丘便詣尊者舍利弗所作如是語長老當知汝母命過共住弟子還俗尊者舍利弗作如是答

我母命過此是有身之法我弟子還俗此是凡夫之法時長齒比丘作是念長老舍利弗雖作是言心必有異尔時尊者舍利弗以是事故明朝著衣持鉢入舍衛城次第乞食飲食訖還詣住處舉衣鉢洗足已以尼師壇著肩上從祇桓林詣安陀林於晝日露處坐一

慈十

四

乘

樹下心生是念世間頗有可愛妙色變易散滅之時令我生憂悲苦惱者不徧觀見無有者尔時尊者舍利弗以日暮時從安陀林還祇桓林尔時長老阿難於所住精舍門邊經行見尊者舍利弗來問言尊者舍利弗從何處來舍利弗荅言我從安陀林來復問尊者舍利弗汝於安陀林多住何三昧舍利弗荅言住覺觀三昧阿難復問住何覺何觀耶舍利弗言我晝日於安陀林有如是覺世間頗有可愛妙色乃至廣說阿難問言尊者舍利弗於意云何為有如是色不舍利弗荅言無也阿難復語尊者舍利弗言汝常作是說若

佛不出世我等便為無目而死佛是可愛妙色若當變易散滅汝不生憂悲苦惱耶尊者舍利弗荅言若令世尊變易散滅我亦不生憂悲苦惱但有是念世尊速般涅槃世間眼速滅尔時長老阿難歎言善哉善哉尊者舍利弗善除我見我所見及與我慢斷其根本

如斷多羅樹頭更不復生如來雖是可愛妙色若當變易散滅者當有何憂悲苦惱耶是故行者住彼法時於適意不適意好不好有利益無利益資生樂事資生苦事心不移動是故名空是上座住處復說尊者舍利弗於俱薩羅國住一林中尔時有一阿耆婆梵志

慈十一

五

乘

亦住彼林去尊者舍利弗不遠值彼人民設四月節會時彼梵志詣村落中多飲好酒飽食猪肉復持餘肉及酒一瓶還所住林見尊者舍利弗坐一樹下生輕賤心彼之與我俱是出家我今極樂而彼比丘極苦即說偈言我飲粃粮酒 竊持一瓶來 地上山草木

視之猶金聚

尔時尊者舍利弗作如是念此如死梵志向
我說如是偈我今亦應說偈時尊者舍利弗
便說此偈

我飲無相酒 復竊持空瓶 地上山草木
視之猶唾聚

此偈中尊者舍利弗以三解脫門作師子吼
如說我飲無相酒是無相解脫門復竊持空
瓶者是空解脫門地上山草木視之猶唾聚
是無願解脫門

說無相有多名或說空是無相或說見道是
無相或說不動心解脫是無相或說非想非
非想處是無相或說無相是無相說空是無
相者如經說有一比丘得無相心定彼比丘
根鈍不知是定有何功德有何果報作是思
惟誰知此定功德果報復作此念長老阿難
佛所稱譽諸梵行者之所信敬必知此定所
有功德果報我今應往問如是事復作是念

長老阿難善知物相若我往問當還問我汝
得是定耶若答言得彼比丘是少欲覆藏善
法者不欲顯己功德若答言不得是現前妄
語若作餘言不正答者則是惱亂上座比丘
我由來不曾惱亂上座比丘我今但應隨逐
其後若為他人說是法者我當得聞時彼比
丘於六年中隨阿難後而猶不聞為他解說
尔時比丘問長老阿難言若人得無相心定
心無增減住難得行猶水停住已住故解脫
已解脫故住世尊說是定有何功德有何果
報耶尔時長老阿難問彼比丘汝得此定耶
時彼比丘作如是念如我所畏今果問之即
慈十
便默然尔時阿難作如是說若比丘於無相
心定無增無減乃至廣說佛說此定所有果
報得一切知見能生智慧修道盡漏汝亦不
久當得此法不增者是斷我見不減者斷我
所見五我見十五我所見亦如是不增者是
生死不減者是涅槃住難得行者此行難得

多用功多有所作如水停住者譬如水從其源出停住一處更不餘流如是彼定住於一緣更不餘緣住故解脫者是自體解脫解脫故住者是身中解脫是中說空是無相餘處亦說無相是空如法印經說若斷色相觀色乃至廣說衆生相是境界相若彼比丘見於空法則除衆生相於境界不見有男相女相是故尊者瞿沙作如是說衆生相是境界相若有是空行於境界不見有男相女相說見道是無相者如說目捷連提舍梵志不說第六人行無相耶云何第六人行無相答曰第六人行無相者是堅信堅法所以者何彼是無相不可數不可易知在此在彼若苦法忍若苦法智乃至道比忍比智問曰何故見道名無相答曰此道是速疾道不起期心道故不動心解脫是無相者如說長老伽婆達多貪欲是相恚癡是相不動心解脫是最勝無相問曰何故不動心解脫名無相耶答曰煩

慈十

七

七

惱是相彼心不為煩惱所覆不為所壞不以上著下非不得自在是故說不動心解脫名無相非想非非想處名無相者如說我多用功得無相心定問曰何故說非想非非想名無相定答曰以非想非非想處愚騃不猛利不決定猶如疑亦無了了有想相亦無了了無想相說無相名無相者如此中說經說佛在舍衛國住東方精舍彌伽羅母堂尔時長老阿難往詣佛所頭面禮足而白佛言世尊昔於一時世尊住於釋種彌周吒村我從世尊聞如是義我今多住空三昧我為善受持憶念如是說不佛告阿難如汝所言善受持憶念如我所說而無有異問曰若善受持不應生疑若生疑者不名善受持答曰以是事故名善受持所以者何不生邪見不轉教餘人不敢忘失故問曰如長老阿難多聞摠持一切智所說八万法聚以正念器盛之何故於一句中而生疑心答曰聞此法時心有愁

惱害諸釋時是此論因緣如愚癡瑠璃王殺害諸釋

尔時阿難將一比丘入迦毗羅城此城本時如諸天城當是之時其猶丘塚所有樓觀却敵埤坵種種窻牖皆悉毀壞清泉諸池悉皆燒濁鴻鴈鴛鴦孔雀鸚鵡翅羅鳥為烟火遍皆飛翔虚空諸小男女皆啼哭逐阿難後作如是言大德阿難我母命過我父命過我父母命過尔時長老阿難復至修迦羅處梵志精舍愚癡瑠璃王於其處埋迦毗羅諸釋半身在於地中以鐵未末之殺七万七千賢聖尔時阿難見是事已極生愁惱復次世尊諸根無異其心安住不動如山善御其心如持油鉢制伏五根如馬正視入迦毗羅城尔時長老阿難觀世尊面顏色和悅見已作是念如我親族離別生處毀壞世尊不尔我今苦惱而世尊心不動如山尔時世尊知阿難所念而告之言我多住空三昧故汝心住村

慈十

八

落想處我住阿練若想汝作親族想處我作凡人想汝作衆生想處我作滿足法想尔時世尊知阿難及諸比丘不堪行道便將諸比丘漸次遊行到舍衛國東方精舍彌迦羅母堂尔時長老阿難愁惱轉增往詣佛所頭面禮足而白佛言廣說如上以是事故阿難問此事時心有愁惱聞佛所說我常住空三昧所以生疑問曰佛說我多住空為住何空答曰或有說者住無所行空所以者何無所行空隨順四威儀法行時餘三威儀空餘威儀時亦尔評曰應作是說住性空所以者何但觀法性故是故阿難比丘若欲多住空者當觀聚落及衆生住阿練若想時諸比丘皆有是念此住空法是佛不共法佛為除此比丘心所疑而告阿難若比丘欲多住空三昧者除聚落及衆生想住阿練若想問曰何故佛告比丘除此二想答曰以諸比丘於此二想生苦惱故阿難若比丘除聚落想及衆生想住

阿練若想當作地想乃至作非想非非想處
 想問曰何故世尊一切時除下想說上想不
 說其根本耶答曰此說是舊法過去慢法說
 佛說法皆尔復次欲令所說不亂故若世尊
 說不除下想便說上想者則所說法亂諸佛
 說法而無有亂復次欲離重說法過故若世

慈十

九

五

尊不除下想說於上想則是重說法諸佛世
 尊不重說法復次定是略要法若世尊一切
 時說根本者則經文多復次欲現論義道故
 論義之道若有所說必定其言若重定前言
 則壞論義道佛是無對論師善知論義道故
 問曰說村落想為現何事乃至說非想非非
 想處為現何事答曰村落想為現迦毗羅想
 衆生想者現諸釋想阿練若想者現尼拘陀
 精舍想亦現諸比丘行道處想地想者現觀
 色是散壞想所以者何有色故有截手足耳
 鼻苦空想者現觀空想乃至非想非非想處
 現觀非想非非想處想復次村落想者是十

五我所見衆生想者是五我見阿練若處想
 者是空三昧地想者是所緣彼諸對治是無
 色定復次村落想者是欲界器世界衆生想
 是欲界衆生世界阿練若想是初禪二禪地
 想是第三第四禪彼諸對治是無色定復次
 村落想是欲界所以者何欲界說各村如
 偈說

若伏村落剌 亦無罵擊害 苦樂心不動

是名爲比丘

衆生想是初禪所以者何彼中有尊卑眷屬
 故阿練若想是第二禪所以者何第二禪是
 賢聖默然法故地想是第四禪所以者何彼
 中有勝處一切處故彼諸對治是無色定阿
 難是名入無上空所謂盡漏不多用出心得
 解脫
 問曰云何多用功心得解脫不多用功心得
 解脫答曰時解脫多用功非時解脫不多用
 功復次五種阿羅漢各多用功不動阿羅漢

不多用功若依未至中間三無色定所得解脫名多用功若依根本禪所得解脫名不多用功

復有三三昧謂空空三昧無願無願三昧無相無相三昧云何空空三昧答曰如施設經說若比丘觀有漏取行是空此有漏取行空

慈十

十

正

中無有常不變易法空無我無我所作如是思惟時復更生心心數法觀前思惟心是空是中無有常不變易法空無我無我所譬如有人欲燒十木百木千木聚以為積然火燒之復提長杆在邊其中若有墮落不焦者以長杆聚之知木已焦所提長杆亦投火中行者亦亦先觀有漏取行是空廣說如上云何無願無願三昧答曰若比丘觀有漏取行是無常是變易法如是思惟時復更生心心數法觀前思惟心亦是無常變易法如人燒木廣說如上比丘亦亦觀有漏取行是無常乃至廣說是名無願無願云何無相無相三昧

答曰若比丘觀寂滅法此是妙離所謂盡愛離欲滅盡涅槃作是思惟時復更生心心數法觀前思惟心亦是寂滅乃至廣說如上名無相無相阿毗曇者作如是說空空三昧觀五取陰是空次生空空三昧即觀空是空汝空亦空無願三昧觀五取陰是無常後生無願無願三昧觀前無願汝無願亦是無常無相三昧觀寂滅涅槃後生無相無相三昧觀前無相三昧非數寂滅汝無相三昧非數滅無三相故亦是寂滅譬如旃陀羅燒死屍時手執長杆繞其邊行若其中有墮落者當以此杆聚之如其燒盡亦以長杆投之火中空

慈十

十一

正

三昧亦亦觀五取陰是空後生空空三昧觀空三昧汝亦是空無願無相說亦如是

問曰云何得此三昧答曰或有說者是見道邊得如見道邊等智或有說者離欲界欲時如變化心評曰應作是說若應得三昧者離非想非非想欲時得作方便現在前

問曰幾智後起此三昧現在前答曰四法智
 比智苦智滅智摠而言之四智後欲界者三
 智後法智苦智滅智色無色界亦三智後比
 智苦智滅智若是欲界空空等三昧依未至
 禪所攝無漏道後起現在前非想非非想處
 者無所有處所攝無漏道後起現在前餘者
 即自地無漏道後起現在前

界者在三界地者在十一地所依身者依欲
 界身行者空有二行空空有一行唯空行問
 曰何故空二行空空唯一行耶答曰以在行
 空行空三昧後生故復次此行與有相違能
 捨生死此善根能觀無漏是過患何況生死
 問曰何故不行無我行答曰若見諸法無我
 不見空者雖厭離生死其心不勝若見諸法
 空則厭離生死心勝如人在道獨行之時不
 大愁悵若苦伴行離別之時則大愁悵彼亦
 如是無願行十行無願無願唯行無常行問
 曰何故無願行十行無願無願唯行無常行

答曰以在行無常行無願後生故復次此行
 與有相違能捨生死此善根能觀無漏道是
 過患何況生死何故不行苦行答曰不觀道
 作如此行何故不行習等行答曰若行習等
 行則觀聖道是有相續法故何故不行道等
 曰行答曰若行道等行則適可聖道不名過
 患無相行四行無相無相行止行問曰何故
 無相行四行無相無相行止行答曰以在行
 止行無相後生故問曰何故不行滅行答曰
 滅有二種有非數滅有無常滅不知為緣何滅
 何故不行妙行答曰彼伽羅那說云何妙法
 無漏無為法彼是中法是故不行妙行問曰
 何故不行離行答曰彼伽羅那說云何離法
 答曰欲界繫善戒色無色界出要善定學法
 無學法及數滅彼無有是一相緣者空空無
 願無願或有說者緣最後聖道利那或有說
 者緣最後聖道利那俱五陰或有說者緣一
 生中聖道或有說者緣一生中聖道俱五陰

無相無相緣非數滅念處者是法念處智者與等智俱定者即是定根者摠而言之與三根相應世者在三世緣世者空空無願無願若作是說緣最後聖道刹那者過去現在緣過去未來最初當生者緣現在餘未來刹那緣三世若作是說緣一生中聖道者空空無願無願二俱緣三世無相無相緣非世善不善無記者是善緣善不善無記者空空無願無願緣善無相無相緣無記繫者是三界繫緣三界繫不繫者緣不繫是學無學非學非無學者是非學非無學緣學無學非學非無學者空空無願無願緣無學無相無相緣非學非無學是見道斷修道斷不斷者是修道斷緣見道斷修道斷不斷者緣不斷緣名緣義者是緣義緣自身他身非身者空空無願無願緣自身無相無相緣非身

問曰何處起是三昧答曰於欲界中非色無色界趣者是人趣中非餘趣人中三天下非鬱

慈十

十三

注

單越依男身女身者俱能瞿沙跋摩作如是說唯閻浮提非餘方依男身非女身所以者何此善根依牢強身女人身劣弱評曰如前說者好所以者何男子心得自在定得自在女人亦心得自在定得自在為是學人為是無學人者是無學人時解脫非時解脫者是時解脫所以者何何等人能起此定謂於定自在身中無煩惱信解脫人不於定得自在亦不身中無煩惱見到雖於定得自在不身中無煩惱時解脫身中無煩惱於定不得自在非時解脫身中無煩惱於定得自在問曰何者是三昧為初刹那是後相續者是若初者是餘何所為若後相續者是識身經所說云何通如說頌法是世俗有漏是取取陰所攝從內起因慧生是善是欲界繫次聖道生緣無漏是不共法唯聖人不共凡夫耶答曰有欲界繫空空無願無願無相無相是也答曰應作是說初刹那是問曰若然者餘

利那為是何耶答曰是似彼善根復有說者相續者盡是問曰若然者識身所說云何通答曰初者是聖道次第緣無漏餘者雖非聖道次第亦緣無漏

問曰何時起此三昧現在前答曰般涅槃時阿羅漢欲般涅槃時從聖道起已起此三昧現在前從此三昧起已便般涅槃更不復起更不復起聖道評曰應作是說得此三昧已欲用便起現在前問曰聖道後起此三昧現在前此三昧後復起聖道現在前不耶答曰或有說者不起所以者何此三昧憎惡聖道故復有說者能起問曰若能起者云何名憎惡聖道答曰此三昧雖復憎惡聖道不如聖道憎惡於有聖道後猶起有漏心何況此定後不起無漏心耶然聖道次第起此定此定次第不起無漏心此定唯是有漏問曰云何此定何以唯是有漏答曰以不斷結故問曰聖人何故修此定耶答曰以四事故修

一欲住現法樂故二欲遊戲故三欲觀本所作故四受用聖法故復次此定是脫法聖人欲遊此定故

士末

阿毗曇毗婆沙論卷第七十

慈十

楯時尹反 矧其班反 掉徒平反 粒上音庚同下音庚 糧上音庚同下音庚 正作梁 鈍

翅徒困反 駮上音瞿反 下翔音祥 杆音杆 惘音惘 同音

平江路磧砂延聖寺大藏經局謹將本寺僧臨行人檢到田畝歲花利刊贈慈字號

大藏經阿毘曇論一函功德仰願流通 佛法報答四恩三有者 至大元年歲在戊申五月 日題

阿毗曇毗婆沙論卷第七十

隱一

如攝廷子造 北涼門淨陀跋摩共道泰譯

智捷度八道品第一

此第十卷

佛說學人成就八種學道迹漏盡阿羅漢梵行已立成就十種無學道學人八種學道迹幾成就過去幾成就未來現在漏盡阿羅漢

乙

盛